

**«Әзірет Сұлтан» Ұлттық тарихи-мәдени музей-қорығы және «Мемлекеттік
Эрмитаж» Федералдық мемлекеттік бюджеттік мекемесі арасындағы
ынтымақтастық туралы**

Меморандум

« ____ » _____ 2025 жыл

Қазақстан Республикасы мен Ресей Федерациясының мәдениет туралы заңнамасының, мәдениет саласындағы қатынастарды реттейтін заңдары мен өзге де нормативтік құқықтық актілерінің қағидаттарын басшылыққа алып, халықаралық ынтымақтастықтың негізгі қағидаттарын мойындай отырып, **Қазақстан Республикасы Мәдениет және ақпарат министрлігі Мәдениет комитетінің «Әзірет Сұлтан» Ұлттық тарихи-мәдени музей-қорығы» Республикалық мемлекеттік қазыналық кәсіпорны**, Жарғы негізінде әрекет ететін директордың міндетін атқарушы **Дукенбаев Нурлан Мусағалиевич**, бір жағынан, **«Мемлекеттік Эрмитаж» Федералдық мемлекеттік бюджеттік мекемесі**, Жарғы негізінде әрекет ететін Бас директоры **Михаил Борисович Пиотровский**, екінші жағынан, бірге «Тараптар» деп аталады;

Мәдени мұраны сақтау, зерделеу және танымал ету, сондай-ақ ғылыми және мәдени байланыстарды тереңдету мақсатында ынтымақтастыққа Тараптардың өзара мүдделерін негізге ала отырып, осы ынтымақтастық туралы Меморандумды (бұдан әрі – Меморандум) жасасып, келесілер туралы келісті:

1-бап

1.1. Тараптар келесі бағыттар бойынша өзара тиімді ынтымақтастық үшін қолайлы жағдайлар жасауға ниетті;

1.2. Тараптар өкілдерінің біліктілігін арттыру мақсатында тағылымдамадан өтуді ұйымдастыру шеңберінде ғалымдар мен мамандармен алмасу;

1.3. Ғылыми және мәдени-білім беру жобаларын бірлесіп әзірлеу және жүзеге асыру;

1.4. Мәдениет, тарих, өнер және мұражай ісі саласындағы ғылыми-зерттеу жұмыстарының басым бағыттарын айқындау бойынша консультациялар өткізу;

1.5. Бірлескен ғылыми және ғылыми-практикалық конференцияларға, семинарлар мен симпозиумдарға қатысу және өткізу;

1.6. Бірлескен ғылыми бағдарламаларды ұйымдастыру; сондай-ақ тарих, өнер және мұражай ісі саласындағы материалдар мен нәтижелерді (жетістіктерді) өзара қамтамасыз ету;

1.7. Жұмыс кездесулерін ұйымдастыру;

1.8. Ғылыми ақпараттармен, құжаттамалармен, әдебиеттермен және библиографиялық басылымдармен алмасу;

1.9. Тараптардың қолданыстағы ұлттық заңнамасында тыйым салынбаған ынтымақтастықтың басқа да нысандарын пайдалану.

2-бап

Тараптар ғылыми және мәдени-ағартушылық тақырыптары бар жобаларға екі Тараптың қазіргі маңыздылығы мен қызығушылығын тудыратын жобаларға ерекше басымдық берілетіндігі туралы келісті. Ынтымақтастық бағыттары мен тақырыптарының тізбесін Тараптар алдағы жыл сайынғы кезеңге ағымдағы жылдың соңына дейін әзірлейді, бірақ Тараптар арасындағы келісім бойынша толықтырылуы және нақтылануы мүмкін.

3-бап

Тараптар ынтымақтастық шеңберінде нақты мәдени бағдарламалар мен жобаларды іс жүзінде жүзеге асыру жекелеген келісімдер негізінде жүзеге асырылатын және қаржыландырылатыны туралы келісті.

Тараптардың бірі әзірлеген зияткерлік меншік объектілері, егер Тараптар өзгеше келіспесе, осы Тараптың меншігі болып қалады. Тараптар бірлесіп әзірлеген зияткерлік меншік объектілеріне меншік құқығы жекелеген келісімдермен реттеледі.

4-бап

Осы Меморандумды орындауға немесе өзгертуге қатысты туындауы мүмкін барлық даулар келіссөздер арқылы шешіледі, ал келісімге қол жеткізілмеген жағдайда Қазақстан Республикасының және Ресей Федерациясының заңнамасына сәйкес қаралады.

5-бап

Осы Меморандумға өзгерістер мен толықтырулар Тараптардың келісімі бойынша жазбаша нысанда енгізіледі. Олар Меморандумның ажырамас бөлігі болады. Осы Меморандумның талаптарын орындау үшін екі Тарап бірдей жауапты болады. Меморандумның шарттарын түсіндіруге қатысты күмән туындаған жағдайда, екі Тарап оларды мұқият қарастырады және өзара ынтымақтастық пен жауапкершілік рухында келісімге келеді.

6-бап

Осы Меморандум екі Тарап қол қойған сәттен бастап күшіне енеді және бес жыл мерзімге жасалады. Осы мерзім өткеннен кейін Тараптардың бірі Меморандумның қолданылуын тоқтату ниеті туралы тиісті кезеңнің аяқталуына екі ай қалғанда екінші Тарапты жазбаша хабардар еткенге дейін Меморандум автоматты түрде ұзартылады.

Осы Меморандумның қолданылуы тоқтатылған жағдайда оның негізінде жоспарланған барлық жобалар мен іс-шаралар осы Меморандум шеңберінде жасалған жеке келісімдер мен шарттар талаптарына сәйкес аяқталады.

7-бап

Меморандумға 2025 жылғы «___» қыркүйекте қол қойылды. Қазақ және орыс тілінде екі данада, әрбір Тарап үшін бір данадан.

**Ресей Федерациясы, Санкт-Петербург,
Дворцовая набережная, 34**

**«Мемлекеттік Эрмитаж»
Федералдық мемлекеттік бюджеттік
мекемесі
Бас директоры**

М.Б. Пиотровский



**Қазақстан Республикасының Түркістан
қаласы, Әйтеке би 1Б**

**«Әзірет Сұлтан» Ұлттық тарихи-мәдени
музей-қорығы Республикалық
мемлекеттік қазыналық кәсіпорны
директордың міндетін атқарушы**

Н.М. Дукенбаев

